

四庫全書

集部

欽定四庫全書

敬業堂詩集卷三十六

翰林院編修查慎行撰

道院集

起戊子五月
終十二月

余自甲申以後僦居城南道院者三年今春寓直
西郊五月

駕幸山莊避暑余仍回舊寓時同年賀集洲沈岱瞻及
家弟東亭俱需次入都樂數晨夕遂定居焉安知

後人不指此為浙西道院乎

重寓城南道院

壞壁留題在重來直似歸野鷗終自遠

舊來積水潭鷗
驚成羣今水涸

無復至者巢燕復相依獨樹風吹急叢葵雨打稀避炎宜壇

爽作計未全非

疊前韻與同年賀集洲沈岱瞻家東亭時三子

皆同寓

曲尺移牀臥分曹賭墅歸浮踪雖泛泛鄉語自依依到

眼青山近梳頭白髮稀
杜門深自念五十九年非

東坡云定

居之後杜門燒香深念五十九年之非余今年恰五十九故云

小憩一莖菴與靜章上人

槐影落空庭
晝長鳥聲樂
我來叩門入
濃綠淨如濯
禪牀聊閉目
非夢亦非覺
微涼何處生
風動袈裟角

寄祝竹垞先生八十壽二首

當代龍門望不輕得官
何必盡公卿
風清李泌神仙骨

帝錫張華博物名

研經博物賜先生匾額也

御書茗椀登堂無俗客

籃輿扶路有門生蟬魚不蝕長生字老閱巾箱眼倍明
自返初衣不記春十年鳩杖又隨身百分蓋滿休辭醉
萬卷書多轉益貧荻火烹鮮鱸氣味松風吹長鶴精神
翛然出處行藏外要是江東第一人

趙价人乞東籬詩戲贈

君不識陶公而乃號東籬君又未識我來乞東籬詩我
雖未識君尚幸生同時陶生千載上知我與君誰譬如
夢中人此夢非彼知形開神或合閉目若見之孰謂淵

明心與君不相期我詩豈妄作成此一段奇

題同年詹允繩小照二首

射策成名已有餘百城高擁意何如石田佳句堪移贈
更讀人間未見書

萬卷傳家手澤新五經腹笥自紛綸也應留取餘光在
分乞去聲然糠鑿壁人

秀野草堂圖歌次顧十一俠君原韵

王麓臺仿董文敏盧

鴻草堂筆意朱竹垞有記

某樹某水與某丘曠懷往往消百憂無端弓旌被縲鎖
坐對塵埽生牢愁盧鴻草堂圖閱世已千載十志並流
傳其人儼如在問誰好事供滿洒毋乃真迹留王宰華
亭最晚出樵本發精采今之妙手繼者誰摩詰前身應
畫師丹青一變粉墨骨寫向尺幅尤雄竒云是吳中小
秀野何斯佳境移於斯堂中主人顧十一結客論文兩
豪逸百家汎濫流溯源萬口喧傳名副實我是當年入
座人淋漓衫袖梨花春愛其披豁氣誼真丰格彷彿餘

先民宴衍之樂非絲竹水色烟光入窗綠半酣颺沓風

雨來散玉跳珠三百斛

辛巳初夏大雨中過秀
野草堂坐客皆盡醉

鐵崖老

矣阿瑛貧空巷閒拋薜蘿屋可憐相見鳳城西僦舍還
同燕子棲猶能折柬致朋舊局促肯放詩名低我詩胡
足道依樣葫蘆畫中藁惟君癖嗜之擘紙含毫共研討
留題慣惱麓臺翁作記深慙竹垞老吁嗟乎神仙富貴
孰有無默存豈必皆清都夢中五岳巾箱圖君歸來兮
挾我俱以神為馬遽為廬一息十反良可娛賃春齷齪

難久居乃獨憐君屋上烏

椿樹草堂月下分韻得侵字

銷夏第一集

草堂無樹月無陰但覺風生露氣侵
跌宕久嗟良會少疎狂終託故交深
閒消長夏宜甘酒老傍清光耐苦吟
從此京華比河朔壚邊知費幾招尋

初伏日集張天門前輩寓齋暑甚晚雨微涼

流金已是報初庚誰耐銅街襪襪行
伏日人歸東閣早條冰衙署一堂清
風能却扇炎何有雨解催詩晚竟成

買得荷花兼買葉，碧筒留待夜深傾。

曉仙謠效溫飛卿體

蘋霞照夕騰，香氣丹樓絳。闕五采文蟾，蜍流銀兔噴玉。
澹作淺碧魚鱗雲，西池宴罷瑠璃淨。杯面團團墮圓鏡，
露警花宮酒乍醒。紫文早奏馳名姓，天雞振翰來剛風。
俛聽萬戶膠膠同九州大夢呼，未覺海底忽躍跋烏紅。
龕髮絳節凌虛去，隱隱笙歌動初曙。一鶴高飛何處尋，
羣仙只在朝真路。

天門席上分賦宣密盤中果物余得文官果限

官字

甲拆終難透勾尖幸自完直同蘆笋淡不比柘漿寒細
剖分甘瘦同登秘色盤文名差底用一笑顧園官

長林豐草吾廬圖為林鹿原賦

銷夏第二集

鹿原名字天下聞鹿原非鹿乃龍文雄安壯不受羈鞅
蹴踏往往空其羣世家嗜好通八分楷法偶撫王右軍
一目之羅魏舒射此事胡足以盡君然而受

知徑以此遂釋塵褐干青雲日星煌煌懸

御製目眩旁觀敢偷睨居然給札給諭縻染翰朝朝得
瞻睇天生本性終難奪疏越么絃發孤詣為言吾自愛

吾廬豐草長林海南溼問君結廬曾否成向人指圖先

署名譬如驥騾負轅軛心縱欲往歸無程老夫曩客三

山麓正值山頭荔支熟汝兄謂同人導我入西禪冰瀉銀

盆香剖玉而今道遠歎莫致畫餅寧堪飽饒腹不如棄

置兩忘情且免騎驢度三伏珊瑚作鞭金絡頭幾時穩

放華陽牛林深可投草可臥此畫便是逍遙遊

李簣齋招集聖安寺納涼得火字 銷夏第三集

百蟲之長人為羸熱屬欲逃無計可况當九陌鬱蒸天
萬甑烟騰塵坱堞連晨喜赴遠坊招似翼辭筴鏃隨寄
聖安寺古洵幽寂湖柳村荒尤僻左主人未到但居僧

衆客後來先揖我 是早余
最先到 初除鼠跡布禪榻旋掃蛛窠

開殿鎖槐榆蒼翠滴苔碑鬼佛青紅填粉堞黃金鑄橘
南曦斂空穴來聲土囊哆須臾雜沓履綦集餽飭駢羅

肴核夥臨淄揮汗河朔豪物外無炎安用躲平生曾授
楞嚴偈欲賦蘭臺愁炙輦一官涉世馬加銜千緒縈身
熱蠶自畏動搖煖觸互起滅煩惱清涼遞吹簾稍知水釋
還成水不道風生却從火悟來性火本真空透過風輪

乃初果

以上六句皆本
首楞嚴經語

何人可語清淨退

宋劉凝之有
清淨退菴朱

子為
作記

此地差堪盤礴裸偶因趁伴作良遊依舊觀心同

宴坐自然熱毒無罅入更怕虛空有堆埵好音到耳微
雨來清景回頭夕陽墮明朝俛仰便陳迹閒處知經幾

喧歌野人好涼兼好靜夙畏浮名今亦頗打鐘掃地結

願存

樊南甲葉序云惟願打鐘掃地為清涼山行者

莫遣新詩浪傳播

陳月瀧太常蘭竹草蟲畫二首

離披九畹雨垂葉天矯半庭風夏竿知是誰家舊籬落
却煩秃筆寫荒寒

蛺蝶蜻蜒盡作團幽人措意非無端春蘭作花危石底
瘦棘高於秋竹竿

白沙翠竹石江圖為吉水宗伯李公賦

即用題中六字

為
韻

展卷復長吟雙清到心跡秋風何處來滿眼江湖白
我公似康樂在家久忘家盤陀一片石坐閱恒河沙
巖廊四十年夙昔青霞志興到一回頭鄉山漱空翠
一寸二寸魚三竿五竿竹何必記平泉寓庭幽事足
靄靄林表雲鑿鑿波底石獨抱萬里心卷舒不盈尺
過客尚留句愛茲山水邦天生好圖畫應屬李文江

分咏京師古蹟得貫休畫應夢羅漢像

銷夏第
四集

五千五百阿羅漢出世生天登彼岸其中尊者十八賢

龍象騰空來震旦白描晚入龍眠畫魔嬈紛拏雜真儻

豈知遠出百年前巨幅流傳磨不爛翔麟供奉

貫休入蜀賜紫

為翔麟殿內供奉

浮屠人詩才繪事兩絕倫自言夢與應真遇

覺來肖貌兼傳神心追手撫一揮就少緩則逝將失真

豐頤槁項多變相喜者含笑怒者瞋蓮藏已登禪月集

貫休詩二十卷名禪月集刻入大藏

此圖淪落偏風塵老僧古寺深埋照

異物將歸有先兆當時畫本夢中成此夕遽然神復告

明朝有力負而趨卷軸儼隨飛錫到或疑十八缺其二

恐與李圖均被盜

相傳明因寺中舊有李伯時畫渡海尊者圖不知何年為人賺去存者贗

本而僧不知也巧偷豪奪孰有無古往今來夢一覺去聲嗟嗟神

物難久貯莫逐青蚨便飛去君不見虎溪橋畔廬山路

羅漢曾為押綱具

用曹翰下江州事

雨中蔣青崇孝廉邀集城南張園用南字

竹梧花藥勢相參門徑依稀到尚諳重與尋幽同野外
早曾聯句向城南亭臺易主名猶昔風雨留人晚更酣

二十五年真一夢白頭搖落感江潭

甲子秋與姜西溟
魏水村惠研溪輩

十七人飲酒賦詩於此
爾來園亭凡三易主矣

夏日咏物分得青奴

織作文加翠留筠發冷光卷舒隨笛簟瑩滑稱藤牀比
扇三秋棄如童五尺長玲瓏須會取即事有炎涼

次韵荅周漁璜前輩見寄

結習多生未易捐得公投句喜蛩然遠山擁髻潭如鏡
秋水平階屋似船已外形骸猶有夢不離文字豈能禪

來詩云詩人垂老例參禪祇應借佛論詩境何法真超色界天時以拙稿

就正于先生

以蜜漬鮮荔枝二枚分餉漁璜前輩蒙示絕句
二章次韵戲荅

從知物以少為貴兩首詩酬兩荔枝馬得嶺南三百顆
博君一顆一篇詩

重馬馳來幾騎塵開奩分餉孰如新老饜舌在終能辨
風味依稀似故人

立秋日陳南麓都諫招集挂雲書屋

老樹蒼藤捲幔秋，
旁添籬落綴牽牛。
鄰沽滿眼分清濁，
諫紙開箱給唱酬。
小榻迎涼仍北嚮，
斜陽如火又西流。
誰能不領園林趣，
每到君家愛少留。

匡山讀書圖歌為南麓都諫賦

九言古體

我昔嘗吟太白廬山謠，
亦嘗身到九疊屏風坳。
谷簾瀑布倒挂幾萬丈，
五老峯勢競出爭嶸嶸。
一筇兩屐十步八九顧，
東西南北上下同猿猱。
太白書堂不知在何許，

樵翁指點此地雲松巢披榛取徑晚入青蓮谷道旁石
刻大字深而巖三尊銅佛塵昏儼泥塑半截苔碣對圻
如坤爻多年老鼠化作白蝙蝠飛攫鶴卵占斷長林梢
爾時曾作世出世間想曷不於此翦棘編蓬茅故人相
招頭白早歸去誤落塵網乃被移文嘲黃門先生今之
嗜古者展卷彷彿以漆來投膠風埃骯髒袞袞胡足道
直引謫仙居士為神交當時手持玉尺往校士剖析白
黑銖銖能淆眼中了了忽現雲霧窟匡廬面目踴躍

隨鞭鞘還朝改官載離七寒暑百四十寺鐘鼓猶鏗敲
命工寫圖聊寓瀟洒意遭逢

聖主牙笏那得拋羽皇新銘都付夢遊境興雖勇往跡
繫烟中匏棲賢拾遺讀書舊曾隱公擇山房萬卷亦手
抄茲山圖記流傳代不乏但恐再往之計成浮泡清泉
白石有約倘勿負君其少緩容我為鳴鶻

陳曾典江西鄉試故有五

尺校士之句

分咏詩人居址得東坡

迎涼第五集

東坡本屬宜賓郡桃李陰從郡圃收前輩風流傳白老

後來名勝擅黃州

白樂天為忠州刺史於郡圃東坡手種桃李往往見於詩句蘇公自謂出

處老少粗似樂天東坡之號實本於白非偶合也

平生得力在憂患此地何心繫

去留大似高鴻向寥廓雪泥指爪記曾不

牛鳴雙村棹歌為郭于宮賦四首

水淺沙平閣短篷西陂東埭往來通綠蓑影裏跨牛渡
閒殺兩樵南北風

烟光霧氣不曾乾人與眠鷗共一灘湖似貫珠船似蚌

酒如碧玉蟹如盤

見說江南水拍天而今江北占豐年
自來葑塞湖邊住黃犢生兒愛種田

小塢新開未起租四圍一色萬梢蘆
紅薑紫芋村村熟不怕人間有寇鳧

七月十四夜寓樓對月

此地殊空濶高樓更上層天孤一輪月
星散萬家燈稍覺浮塵歛俄看濁水激
夜涼人不寐好景惜憑陵

題恬菴上人匡廬訪道圖二首

惠遠與少文前生定同社可惜愛山人今非住山者

五老雲松頂初登不道難近來無脚力只愛畫中看

壬申

秋余遊廬山曾上五老峯觀海綿故云

七月十五夜陳六謙過寓庭月下小飲

時六謙將出守

南安

十頃空潭半貯泥秋蓮晴湧綠頗黎

是夕積水潭故河燈

城空鼓

角聲初動月出樓臺勢盡低佳夕一歡成邂逅故交垂

老惜分攜燕堂酒熟梅花發莫忘清遊補舊題

六謙踪
中往返

詩無見及者
故戲督之

題史耕巖前輩溧陽溪山圖即次原韻四首

良常東下路斜斜小塌平橋接兩涯
夢聽雷平池畔雨

覺來滿崦是桃花

桃花崦見顧况
詩句曲勝地也

栽桑種稻互回連
柳色騎牛浦浦烟
碧水繞田田繞郭
村翁不識縣門前

官情澹與昔賢同
聊寫歸心寄雨濛
此段風期難擬似

王家輞口謝東中

洮湖如鏡照人明，雲霧翻從展卷生。
欲借公詩論米畫，

筆端風雨勢縱橫。

米元章舊有溧陽溪山圖，故云爾。

題邵甘來滙水村居圖

修篁出屋柳沿隄，牛放前灘鴨後溪。
吹得讀書聲過耳，

釣絲風色板橋西。

初遊城南陶然亭

望遠村東緩轡遊。

余寓居道院在望遠村東，去亭纔二里。

忽從飲馬得清

流黃塵烏帽抽身晚白露蒼葭洗眼秋風偃萬梢鋪井
底日斜雙鷺起城頭誰憐一派蕭蕭意我是江湖未泊
舟

種藤歌為周桐埜前輩賦

迎涼第六集

吾聞管子云十年計樹木稍欲望成陰寧須校遲速君
言美蔭貴目前疇能鬱鬱待十年兩株柔木手交植意
取引架遮炎天挿竹扶持工乍畢矜塙未騁龍蛇質綠
痕叢作薜荔牆不與先生障西日盆池澗水置廣庭細

鱗戢戢多于萍碧天倒影落萬丈夜久却涵三五星此
間露坐差不惡翻怕團團葉垂幕放梢何日過隣家留
待春風看瓔珞

家德尹潤木兩弟先後
僦居皆與先生比隣

德尹請假出都志別八首

去年夏旱今年水八口窮鄉那免饑我坐欲歸歸未得
得歸何忍阻君歸

植檜移松已兩年家書頻寄問西阡洛陽二頃談何易
稍喜躬耕有墓田

纔報歸期想候門
夢中燈火荻花村
天教此老桑榆暖
六十攜兒似抱孫

舊巢架構鳩雖拙
老樹婆娑蠹已除
樊圃早垂黃橘柚
開池先養白芙蓉

涉脚迷途幸未遙
六年官簿笑同寮
輸他勇退能過我

多賦幽居少在朝

弟自癸未秋假歸丁亥冬還朝今又以病告

乞官無復步兵厨
米價新來貴比珠
慙愧臨行留薄俸

折支能博酒囊無

宋時檢校官折支例得退酒袋東坡詩有猶費官家壓酒囊之句時俸米

方議改折
故及之

消夏迎涼紀歲華

自五月以來同人為消夏迎涼之會會必分題

離筵忽漫對

黃花一尊勸汝重陽酒若箇登高不憶家

一菴猶欠結茅資竹本花栽要及時煩寄兒曹無別語
為余勤補舊柴籬

孫觀河無隱室乞題詩

丈室初從月地分
木樨開後又逢君
香風自滿三千界
鼻孔撩天幾箇聞

座主相國澤州公有別墅在西苑旁政事之暇
間一憩焉因取唐人郎士元詩意名曰半日村
高咏成篇命余繼和恭賦一章時長至前二日
頻傳騶唱出閒坊沙路西連紫界牆一室凝香回暖律
萬峰銜雪冷斜陽圖開別墅原同謝詩取佳名亦愛唐
會得先生滿洒意寸陰還較小年長

紫滄同年出示百聲詩凡天壤間有聲之物無
不入其牢籠和之不勝和也冬至日獨直西苑

心有所會偶拈四題兼寄靈隱諦輝高旻湘兩
兩禪師亦屬並和

梵天一晌沈寥開誰激華鯨怒吼雷日落空林無客到
烟藏遠刹有風來三生同聽人何在半夜孤眠夢忽回
一百八聲敲不斷苦教積劫墮輪迴

鐘聲

範金琢玉記同編古製難從磬氏傳小雨泠泠晨洒竹
孤燈裊裊夜浮烟軍持老衲腰同折香積空廚室並懸
最憶山堂秋講罷一聲清徹似巴蟬

磬聲白樂天詩
巴蟬聲似磬

緣木求魚又一奇巧將法器付雕師
空虛自與敲鏗應
緩急都於梵唄宜響入松濤
疑掉尾枯逃世網賴健椎
憑誰悟徹前塵事
身是他山啄木枝

木魚聲

三灾薦過晝沈沈
宰堵波高蘭若深
已向池中懸倒影
又從天半落清音
石如解聽無生話
風豈能搖久定心
若問此聲何起滅
本來無縫杳難尋

塔鈴聲

冬夜集潛齋分韻

我愛陳學士古歡
金石諧在躍不忘
潛而以顏其齋寓

直少閒暇暫歸召朋儕設繪當嚴冬迨茲風日佳素心

五六輩步屨相與偕君家門庭高俗子無由階相公聞

且喜初筵示模楷獸炭紅麒麟地爐宿燄埋分題命觴

咏

是日相國命題衆各拈韵

合座忘形骸盆梅初著花行列如人排

疎影落杯底清香入竒懷五言率未成壹醉衆已皆頭

盤雜拇陣錄事主所差錢

綱菴

劉若干

興頗豪顧俠君

繆相苙

量靡涯陳子

世南

氣稍怯罰籌密於鞞臥舊玉

頽山浮蛆碧傾淮余惟兀然坐幸免出而哇客散二屨

留

是夕余與綱菴留宿齋中

連牀聽膠喑明朝寒栗烈雪花點銅街

詩成從馬上醉眼還重揩

冬夜讀亡友錢木菴詩中有咏塵咏影二首嘆

其學道有得追和原韵

果否蓬萊海底生本來無質自然輕狂能眯目虛空暗
細解窺窗穴隙明羊角團團多借勢馬頭滾滾似趨名
泥融雨浥終難盡那得乾坤一掃清

右咏塵

寓形宇內豈惟人幻出無端現在因我覺官骸多是假

汝依水月詎為真隨身只怪趨難避面壁誰知坐轉親
吹却油燈何處覓佛光中現舜多神

右咏影

十二月初五夜夢一僧叩門乞詩夢中了了作
四言八句覺而錄之

有目斯翳有耳則鳴人方擾擾竅聰穴明空即是色寂
于何聲混沌不鑿以全其生

謝院長餉白魚牛尾狸

樵山擘水致珍羞陋巷敲門荷見投細剝銀絲防骨鯁

爛蒸玉面惜膏油酒嘗雙榼鮮同擊

周紫芝詩買魚配酒為君嘗蘇詩酒

淺欣嘗牛尾狸糟壓三冬膩欲流

東坡詩長羨淮魚壓楚糟子由玉面狸詩壓入糟盎膩欲

流
自分生平藜苲腹得兼二者更何求

院長疊前韵見貽追憶十六年前唐東江與余

晨夕唱酬事再疊韵奉荅

憶昨狂吟不自羞瓊瑤屢報木瓜投名園擘紙移朱舫
綺陌迴鞭避碧油花下清尊殊跌宕雪中白戰也風流
唐衢去後交遊冷忍聽嚶鳴出谷求

次日復惠黃柑冰鮮兼來索詩再賦二首

登柈磊落皆三寸照眼輝煌得八枚羅帕分甘先令節
碧香留賦待新醅漸回冰齒瓊漿暖試奏霜刀綠霧開
便與魏橙同給客拜嘉真自永嘉來

橘譜出永嘉者為真柑

風味依稀似鱸殘侯鯖一月貴長安豐肌弱骨和羹美
雪片冰花入座寒欲報已無青玉案盛來兼乏水晶盤
連朝小試烹鮮手只累先生減食單

鑿冰詞

朔風兮夜號，百川兮晨凍。射白日兮冷光，柔變剛兮石
無縫。千夫杵兮聲沖，沖杵然解兮塊斯融。天倒窺兮尋
丈下歸，無極兮馮夷之宮。吁嗟乎冰堅可藏兮，從爾鑿
亦既臨深兮，其毋履薄。

次韻荅李秦川

衰年注蟲魚，如蠹蝕書史。迂疎衆所易，未契得之子。扣
門晨有投藻句，霞散綺師承。得前輩出語，究終始。子生
本名家，抗志矯波靡。昨來應秋賦，名溢人口耳。展足抱

未攄挽頹力堪仔詩才尤秀拔氣壓侯叔迟當今大雅

宗四海歸繡水一老

謂竹垞先生

導其源揚瀾賴多士新倪

擢苕穎舊調削軟美味道庶在茲詞章寧小技君看鳴
陰鶴豈有寡和理餘風被東南矧迺桑與梓老人慎許
可僂指故無幾往往為余言後來惟一李余雖分拙劣
夙好附羣紀來篇等括張機觸難自止殘冬互酬荅塵
芥何足洗

題劉若千前輩夜雨對牀圖小照


我恨不如遵渚雁行列羣羣飛不斷又恨不如同隊魚
朝朝在藻還依蒲可憐兄弟如相避萍梗沈浮劇兒戲
壯年作客晚筮仕投老茫無歸宿地偶然風雨一連牀
僮僕旁觀詫竒事平生怕讀潁濱詩中有傷心幾行淚
關中二劉今二蘇才名宦跡兩不孤有生聚散誰免得
看取對牀聽雨圖長公秀骨仙之臞次公白皙豐而腴
題詩尚爾感顯穎令我展卷增嗟吁關河南距四千里
正坐一官為累耳不見伯淮季江屢詔徵不起肯以元

纁易布被

送勞介巖副憲歸里

十二月十五日

老伏青蒲振直聲
冰霜凜冽歲崢嶸
風波孰與批鱗險
華袞何如拜杖榮
九死人皆危此舉
一歸天特厚餘生
猶憐不及商山老
鴻鵠飛時羽翼成



敬業堂詩集卷三十六

欽定四庫全書

集部

敬業堂詩集卷三十七

詳校官左中允臣瑋五珠

助教臣常循履勘

總校官庶吉士臣倉聖脉

校對官中書臣雷純

謄錄貢生臣李玉瓚

欽定四庫全書

敬業堂詩集卷三十七

翰林院編修查慎行撰

槐

起巳丑正月
盡十二月

去宣武門西半里許有陋室十餘間扁鎖頽廢有
年矣巳丑二月自西苑下直歸從馬上望見老槐
二樹亭亭出屋顛而樂之遂僦居焉爾雅連謂之
篠疏樓閣邊相連小屋名也因借樹以名吾集

春冰次院長韻

怪底堅成脆行逢凍釋時寒無蟲可語暖被鴨先知裂
縫防頽岸留痕驗故池何當供夕飲春氣漸如炊

人日出郊

老夫新年年六十酬應昏昏忘盥櫛朝來準擬出郊行
走馬看山作人日西風撲面飛黃埃忽憶故園新種梅

詩成寄問草堂弟臘尾春頭開未開

去年正月於西
阡種梅數十本

院長餉新年食物兼示四絕句次荅

類篇止有鮓魚字梵語蘇詩恐誤人

說文玉篇俱無鮓字司馬公類篇有

鮓魚釋氏稽古略謂寶公吐鮓成活魚今江中洄魚是也東坡詩中作鮓洄與鮓當是鮓字之訛本草失于考證故

及之我是江湖釣竿手為公箋釋到纖鱗

次韻鮓魚

半殼含胎剖蠣房鮮宜糟壓嫩宜湯黃封拜

賜連朝醉特試先生醒酒方

蠣黃淪湯可以解醒

次韻蠣黃

吾鄉海錯雜魚蝦細瑣登盤品亦嘉忽見銀鈎如椀大

閩人好對浙人誇

次韻對蝦

嘉禾舊志說陶莊黃雀肥時早稻香

徐碩至元嘉禾志黃雀出陶莊秋後

最肥自別家來無嗜好滿餅鄉味荷分嘗

次韻黃雀

春風次院長韻

又隨步履散今朝紫陌微微去轉遙頗訝渡河冰易泮
不知吹鬢雪難消南枝暗放參差蕊東面偷迎宛轉條

二十四番誰管領等閒聽過賣錫簫

次韻春雪

春寒不與臘寒同微霰來沾弄袖風翠浪舞當三白後
香泥巧借六花融飄殘柳外濛濛絮送盡江南片片鴻
莫倚侵陵萱草色繞階須護蕙蘭叢

長孫興祖就婚雲夢寄詩示之十韻

閒說求婚媾為期在此春抱孫吾計日配婦汝成人雪
棹吳江岸風帆楚水濱間關憐道遠出贅笑家貧締好

因同譜

親家沈翰逸為
癸酉鄉同年

居鄉本比隣禮從荆布舊義取

悅禱新莫倚嬌為壻須存敬似賓葭莩方有託骨肉自
相親去迨冰開候歸當燕乳辰阿翁南望切書報勿辭
頻

院長餉柿霜餅兼示長律十二韵次謝

駢實交柯重金烏下啄同小園秋晚挂古寺日高烘爛

爛燒空赤蒸蒸耀眼紅蒂留紅袖織

用白香山
詩中事

葉受墨

光融

用鄭
虔事

耿餅佳名著梁枰上品充滑疑流石蜜寒欲

殺尸蟲玉井千珠落丹田一氣通齒疎宜軟美喉潤覺

清空止嗽方殊驗

時余方苦痰嗽

迴腸味不窮殷勤開尺幅檢

點閉輕籠食罷仍蠲渴詩來况愈風多煩霜雪意寵貺

白頭翁

來詩結句云還堪持獻壽好配紫芝翁

院長以乳酥餅見餉仍有詩索和謂余深於禪

理戲作偈語次韵奉酬

昔聞佛者言醍醐蓋有自初從牛乳出香美非思議於
中得酥酪先後當以次我意殊不然強生分別事先生

味禪悅故以機相試聚為一團酥是一要非二散為百
千餅又豈百千味當其為乳時涓滴白牛致云何清淨
腸猥用忍草飼我無廣長舌報以真實義請看牧牛者
苦苦掣其鼻不若聽所之放牛着露地人牛兩自在彼
味非此嗜莫管乳酪酥醍醐孰同異

以紫檀鏤管筆一雙饋院長兼呈拙句

客從吳興來遺我雙不律森然秋兔穎毫末羞自匿削
管用紫檀可手製新出免冠頭不禿肯入中書室我老

腕力微何心計贏絀學書疑有鬼覓句懶無匹留之注

蟲鰕如膠柱鼓瑟故用移贈公庶幾副其實吳俞世不

作

吳政俞俊皆北宋時筆工也

諸葛法久失錢沈亦名流後來費評

隲雖非金與銀鏤刻分纂述猶勝斑與赤輕脆抱空質
上將點絲綸次亦標甲乙含毫特餘興揮灑膏繼日新
年富新咏傳示盈卷帙浩汗或掣鯨精微乃貫蟲儲材
等武庫應敵在倉卒不以老見輕有作例牽率余雖勉
屬和十駕爭及一從公乞餘波仍以詩侑筆

湯西厓前輩自洛中寄示重修香山寺記石刻

拓本

龍門十寺已全荒金刹誰尋古道場劫外豐碑開闕塞

天中軼事在文章雲泉舊境緣曾結

白樂天香山寺詩且共雲泉結緣境

他生應作此山僧

山水初心後果償

幸為山水主是償初心復始願之候也語出樂天重

修寺記中公是樂天還記否前題多在暢師房

斗室

斗室無風入香嚴正寂然一株婆律火半榻祖師禪白

雪將灰候青烟未吐前此時參鼻觀消息向誰傳

題吳寶崖雪龕煨芋圖小照

神仙只累十年官枵腹聊為一飽歡何似雪龕風味好

平生不喫懶殘殘

山人更喫懶殘殘
東坡逸詩句也

去年過塔灣湘雨禪師出所纂金剛經順意見

示攜之行笈欲為刊刻流傳有志而未逮近以

呈院長蒙疊筆字韻詩盛相稱詡輒次韵奉酬

敢請院長為功德主此篇聊當募緣偈一首也

呵呵

五十墮醉夢不知經論律一從讀金剛稍開雲霧匿深
沈百尺低垂綆汲使出遊子久離鄉于焉返家室既歸
翻自痛精進力已絀欲除人我相兩敵勁無匹又為義
疏誤孰與更張瑟晚遇馬蹟師貝多示真實微詮警後
悟妙解證前失俗昧知者希我衰天所隲誓將廣流布
期不虛纂述先生一見之析義豈待質執疑兩破碎決
若魚去乙詩來盛稱揚方便皎慧日黑蟻二萬言卷之

僅盈帙護持付龍象普度及蟻蝨開雕指顧成功德亦
易卒檀那視積累幸以銖兩率恒河計沙數百億生于
一庶將擬楞嚴勝授房融筆

座主大宗伯許公七十壽辰敬呈長律四章

巖廊重望冠清都黃髮年尊與道俱燕許文章唐巨手
程朱理學宋醇儒龍門拔地孤逾峻鳩杖隨身健不扶
指似天文人盡識壽昌方叶泰階符

司徒崇秩晉春卿端右迴翔寄不輕公自起家敦孝友

世因瞻斗重科名衣冠盛事者英社鄉國餘風月旦評
歷政不緣中外異依然冰貯玉壺清

集賢曾寫樂天真九老中今第幾人三月韶光連上巳

三月二日
公誕辰也

七旬觴咏屬初辰芝蘭得氣殊庭秀桃李成

陰薄海春共仰官高能下士虛懷仍以讀書親

朝回晝靜愛長閒笑說生平杯酒間却向烟霄頻矯首
每從風月一披顏純鱸遠夢馳千里松鶴高情在兩山
欲御籃輿知有處谷湖柳色待公還

余自甲申春寓城南道院丙戌十一月請假暫
歸戊子三月抵都重館于此己丑上巳前一日

將移居宣武門外臨行題壁

三間古觀稱羈棲五見空梁補燕泥欲去每教僮灑掃
再來猶認客留題

壁間有同年
王方若題句

飛鴻印雪原無跡倦馬

辭槽又一嘶怪底老懷殊戀戀西山多在短牆西

西苑新直廬

在澹寧
居後

雪林風沼候參差休假俄經百日期

去年十一月奉
旨暫停入直至今

年二月恰
百日矣

魚鑰曉嚴新契勘

鄭谷詩門
嚴新契勘

鳳巢春換舊樓

枝路迴稍覺穿花遠
窗靜從看過影遲
笑逐班行重入

直龍鍾已是杖鄉時

移寓示潤木二十韻

久客身何著
今來願始諧
買鄰無百笏
僦舍為雙槐

中庭

有老槐
二株

迢遞連城角
沿洄阻水涯
閒坊聲較靜
濕地勢

微注東野攜家具
西枝寄病骸
未能行躡屐
那免出傳牌
橐俸先期給
劔童冒雨差
無妻中饋缺
與弟入門偕

白木床分設烏皮几對措布衾寬稱席石炭賤踰柴茶
竈商量置書籤整妮排窗緣絲網掃池用瓦盆埋卷幔
通巢燕登椽待食鮭厨空浮白瑗壁挂踏青鞵車騎經
過閨風光漸次佳但教塵隔巷翻愛草侵階擊鉢旋相
和吹簫分不乖近宜論洽比遠或召朋儕汲井吳天寺
買花南市街經旬許休澣亦未廢清懷

三月三日雪後赴西苑馬上作

鳳城西北苑東偏白髮尋春又一年殘雪融泥芳草坼

昨夜微雪薄寒風
勒柳花天非無好景來
林外尚少遊人到
水邊獨把吟鞭歌
醉帽時逢修袂想歸田

暢春園杏花次李義山舊韻

杏苑卽仙源
含情似欲言
問名憐及第

鄭谷曲江紅杏詩為是春風及

第得氣儼承恩
流水悠溶態
初陽淺澹痕
綠新宜柳暎

紅遠覺桃繁
蝶翅輕三月
鶯聲戀一園
盈盈窺紫闥
脈

脈待黃昏小
睡披香暖微
酣帶雨溫蠟
融難作帶

溫飛卿詩

融蠟作脂染
定連根何處堪
凝望逢人自
悅魂青旗風
杏蒂

綽影猶記酒邊村

落花和陳潛齋學士韵

桃是深粧杏淺粧
開時有態落猶香
東風自借孤蓬力
流水何曾出苑牆

同年蔣酉君卜築西郊詩以落之仍次移居二
十韵

薄宦居難定同時興偶諧
我方銘陋室君亦賦高齋

趙閱

道有高齋詩
作計寧非達為生洵有涯
背城山漸近就水地

宜注昨構才容膝今營儼樹骸舊材留梓澤新棟拆松
牌斤斧俄收響僮奴免借差落成三月速扶挈一門偕
棗軸疲牛汗楊椿芥馬指烟光通禁籞野氣入荆柴但
取藩籬便何須闌戟排書竒傾橐買樹好帶花埋北釀
缸浮螳南京案致鮭僧來攜蜀絹信去覓吳鞵壽母藤
輿健嬌兒繡祿佳碧枝風卷幔紅藥雨翻階卽事歡皆
具生平願豈乖宵歸辭俗客晨直約吾儕故國三千里
黃塵十二街筭來除蔣徑無此好情懷

暢春園芍藥

萬卉爭春放開遲
賸此花雅禁初日照濃被綠陰遮隔
岼浮香霧臨池蕩綺霞
年年三月尾病眼閱繁華

酉君同年餉甘蔗

小束青如削來從櫻筍鄉
特煩良友餉何異大官漿
促節過頭杖清泉漱齒霜
多君甘旨外有味必分嘗

前一日先

惠櫻桃
故云

下直經澹寧居後見新竹出牆

輕雷夜解斑籠籜地近宮垣勢便高應笑松栽成早偃
多年猶未出蓬蒿

四月二十四日奉

旨借錢亮功汪紫滄兩同年赴武英書局編纂佩文韻
府口占示同事諸君二首

六年供奉毫無補

天語蒙褒下禁中聯步久趨丹陛北直廬今寓浴堂東
名連進士慙同進管禿中書笑不中那免退之譏磊落

依然爾雅註魚蟲

上窺典誥薄風騷不數區區篆刻勞才盡更誰哀老子

課嚴渾似限兒曹舊巢未掃痕猶在

奉旨編纂事竣仍回南書房供奉

賜馬相隨骨漸高差勝漢廷飢曼倩官廚豐饌日仍叨

武英殿後老桑

出牆如蓋勢童童初日移陰小殿東
辜負江鄉蠶老候
烏鷗餘榘滴階紅

六十生日竹垞先生遠寄名錫唾盃茶餅

張銅沈錫皆禾產一枝成名不偶然今日瓶盃成古器
後生誰識百年前

槐陰露坐

我愛雙槐好婆婆滿院遮蟠根容穴螳出屋帶棲鴉未
落三秋葉將舒六月花近身安片席餘蔭給隣家

鵲雛為隣貓所攫

庭南老槐樹當暑花葉敷有鵲棲其間雌雄將六雛毛
羽日夜長飼哺同慈烏家書故鄉來好客與之俱查查

每預報喜氣充我閭自謂得所主永無意外虞鄰家黑
白貓眈視生覬覦陰藏爪牙毒上樹捷飛鼯六雛一被
攫鵲起逐以趨似將奪虎口性命還須臾又似望人援
繞簷羣噪呼倉皇不及救坐視為嗟歎我墉被鼠穿唧
唧繁有徒孔箱盜夜粟穴紙潛朝慙汝雖磔百千飽噉
臥黠鼯誰當刻責汝加以非分誅鼠黠鵲性良飛走族
亦殊云胡於此暴顧獨於彼懦叶平於彼為養奸於此戕
無辜汝腹縱暫滿汝腸義當剗吾欲致張湯詰之定爰

書公然掉尾去借鄰以逃遁

自書局回寓作

書局限孔巖晨趨事搜討歸來日云夕返景在林杪槐
花滿中庭鋪積亦復好小童懶無匹安坐終日飽故欲
習其勤時時令汛掃清風颯然至葉有先秋槁頗聞蒙
莊言勞生佚以老信書乃大繆自計胡不蚤

喜雨

京師夏苦旱熏灼如炎方霹靂偶微霑暘者盈道旁滂

沱忽大沛燂怒不得張簷溜粗于繩翻瓢挹天漿栽花
得新活臥柳回舊僵既雨萬彙蘇我亦中微涼風霆一
夢破境過旋已忘

大雨過玉竦橋

雨聲衝破影中天百尺長虹萬頃烟鷗鷺不爭車馬道
自遮荷蓋領雛眠

新晴赴書局

積雨暑未退快晴天為高肩輿出衝泥俯仰同桔槔豈

不恤人力用代鞍馬勞竊祿多懷慙何如返蓬蒿

庭樹聞蟬

委蛻知何處吾廬忽有蟬不嫌清晝永轉愛綠陰圓薄
比彈冠况清同舉室懸柴門虛倚杖悵望晚涼天

種竹

潦退庭宇涼竒懷赴幽獨規將尋丈地遠景收淇澳佳
人來何方笑齒嗟冰玉欣然肯相就陋室空於谷上承
槐高清下蔭苔嫩綠未應供客看或取藥我俗我俗庶

可醫齋厨久無肉

瓶中白蓮朝開暮萎

街頭買白蓮帶露來座隅養之清淨水謂是西方姝朝
為木槿榮夕與桑葉枯既開必有謝元化周斯須老人
閱浮生過眼同一如那將熏染習累此冰雪膚寄語散
花天我非狡獪徒從今方丈室永拔污泥株

對鏡覽髮

我髮日夜短餘存諒無多既白會當禿不煩行羯磨人

呼在家僧自署老頭陀黃精無掃法奈此秋蓬何

夜枕喜雨

偶栽窗外竹初不為秋聲忽洒三更雨瀟瀟亦有情

新涼

素角城端鳴初涼動砧杵西風一以發清絕遽如許大
化日循環吾生幾寒暑心空有遐託跡寓無久處社燕
如知歸飄然辭逆旅微蛩漫多思唧唧乃私語

秋日江亭雅集有懷舊遊寄晚研滄洲西谷篔

齋鹿原天農及家德尹得遲字

酒徒半散天南北懶到今年不作詩老去故應朋舊少
重遊兼感歲時移孤亭窄似維摩室秋水寬於阿耨池
却被居僧啗冷落主人來早客何遲

是日郭雙村治具
諸君午後始集

一日假

偶得一日假心安良有餘簟涼便晏起髮短罷晨梳露
角連城動風蟬帶樹疎故鄉頻水旱翻怕得家書

旦入宣武門

桐鼓傳三千門開九衢曙老夫肩輿出日與輻車遇粉
書揚銘旌束縛同此路死有千載瞑生無一朝寤嗟爾
行哭人啾啾百蚊聚

語出楞嚴經

題綢堂奉母圖為郭于宮尊堂呂太君壽二首
天半鸞凰膝下雛承

恩先為老親娛愛他五綵斑斕袖曾捧驪龍四顆珠

皇上海南巡時御書禮教
克嫻四字以賜母

畫棟浮光縹緲間新摹

宸翰作堂顏天生才子如椽筆欲賦閒居可得閒

于宮供奉

南熏殿

張副戎有愛姬二人去年重陽日各生一子命

工繪圖同年劉大山有詩屬和一首

臨觀恰是重陽卦不比徐卿二子歌
菡萏秋房原並蒂珊瑚越網又交柯
明知照乘光相敵試問連城價孰多
博得兩鬟開口笑一持侯印一提戈

少宗伯王涓湖先生別墅名甲秀園

皇上南巡雲間凡兩幸焉先生作詩紀

思復屬余繼和次韻六章

甲秀園開碧泖潄每從廊廟憶山林花如韋曲傳佳句
風自卷阿繼雅音兼托丹青摹盛事獨將清曠契

宸襟九峰高倚霄上俯入軒窗是寸岑

喬木千章竹萬根

翠華臨處彩支繁帆檣隱隱頻移岼桑柘依依別有村
綠野天開裴令墅冶城人識謝公墩陪遊何必身親到

魚鳥能邀再顧

恩

列仙圖籍本雲霄物外心期故自超
雅有新裁矜異數喜聞屬和徧同朝
兩回

步輦花間入一色春旗柳外飄
透出斗中光萬丈御書樓閣冠巖椒

靈壽無煩借孔光朝回展卷好相
伴書臨

勅賜松花硯笏聚家傳
鑰石牀蘭畹芝庭方競秀石田

茆屋豈全荒承明又

召枚皋八始信烏衣世澤長

時長公麟昭被
旨供奉內廷

一花一木記平泉手植何人不解憐此日韶華娛

舜目幾家雨露長

堯年波搖曲沼黃金縷欄亞新叢碧玉椽總在雲蒸霞蔚裏畫圖欲繪恐難全

陸機葦外野人家萬頃畦風養麥花曉徑烟密成掩冉
晚春雲物貯清嘉山莊細雨初回

輦官焙頭綱正試茶扈從班中曾眊筆為公濡翰語非

誇

丁亥三月余隨
駕獲遊園中

九月二十日偕紫滄亮功兩同年赴密雲接

駕往返三日馬上即事六首

黃收朔野橫從畝紅散霜林遠近郊不是三人同寓目
一年此景等閒拋

同官同直還同譜六七年來不暫分比似天邊一行雁
飛鳴食宿總成羣

塞柳風高遞急砧

回鑿時節正秋深身如舊

賜天閑馬暮齒猶餘見獵心

翠眊朱旂歲往來歡聲奮地又如雷關南黎老爭扶杖
重見蒼龍侍

輦回

蝗不成火慮種遺撲蝻有

詔責官司直從場圃初成候筭到明年稻熟時

載路頻聞樂土歌

聖恩寬大緩催科太平是物皆蕃庶斑鹿黃羊獲校多

送孟靜齋之任錢塘二首

水旱頻傳接井疆畫船簫鼓半荒涼欣逢悃悞無華吏

往拯租庸積困鄉郡守賢如龔渤海

謂張裕齋

州民窮有鄭

榮陽

謂老友鄭息廬

此行直比陽春脚膏雨隨車到一方

不改書生舊羽儀儵然一見識心期曾從譜牒知名久

與德尹庚辰同年未覺風塵筮宦遲劇邑簿書迎刃辦冷官門

戶少人持煩君蔭及先賢澤京兆岡阡忠惠祠

先京兆公賜域

在江干范村外曾王父鍾忠惠公祠堂在西湖第一橋皆屬管內

齒痛借用昌黎韻

我年五十時落一牙一齒故人傳良方盥用井花水餘
存幸牢固自爾將及紀午餐漱方撤曉枕扣而起清比
啄木聲碌碌徹人耳寧知衰老候疾苦不由已積火壞
陳齟浮陽發頹骹冬來忽擁腫罅縫生磔碗難憑醫藥
治平聲最怕物觸抵苦開酸兩頰亂動憎食指平吞有哽

咽礙嚼無軟美旁觀不知難相勸進匙匕黃者半甌粥
舌在僅可錫連綿五晝夜腫赤乃漸止痛定得動搖老
夫翻自喜韓云吾亦云次第將落矣平生滋味薄藜苲
徒累爾時至適推殘在堅宜有毀百骸推一例此蛻已
久委試看葉經霜終無戀枝理

初冬集春暉草堂賦得菊殘猶有傲霜枝十二
韻

黃菊將殘候嚴霜戒令時亭亭當晚節冉冉閱秋期正

使孤花秀何妨衆葉萎倚衰猶倔强競賞故參差澹入
高人目幽惟冷蝶窺似曾霑雨露終不傍樊籬搖落芳
心見低回客土移楓丹非本色竹翠是相知繞徑香雖
淺登堂影亦奇白衣誰送酒青女解催詩性在休嫌傲
寒多莫漫欺重陽高會少剩取一枝枝

擬樂天一字至七字體以題為韻分得簾字

簾傍檻依檐防客見避花嫌平鋪相簞斜搭吳檐額飄
風細細鈎映月纖纖更無人處垂地但有香時透奩試

問陰陰芳樹底後堂玉笛是誰拈

十月望後前輩周桐野同年王樓村雨中過槐
移看菊留小飲明日桐翁以詩見投次原韻二

首

老瓦盆中花十本上槐街裏屋三間眼前此景殊不俗
輦下幾人能愛閒我已掀泥除蘚徑客方冒雨扣柴關
寒林瘦竹蕭蕭意著片疎籬即故山

土銜無烟硯欲水一歡邂逅得何曾詩如老將渾無敵

花到殘年亦少朋，紙閣留香清四壁。
畫屏肖影澹孤燈，直饒酒醞難拋在。
未敢多邀入社僧。

題湯西厓前輩出關圖即送赴天府丞任六

首

中原桃李盡門生，官比冰壺徹骨清。
此意

九重非不達，又持文枋赴陪京。

奉天丞兼督學政故云

燕雲東北是重關，咲指飛鴻滅沒間。
天與先生開眼界

自吟詩過十三山

里社粉榆接

帝鄉同時卿相半南陽居民老不知
兵革耕徧松桓舊
戰場

沙蟲猿鶴總秋埃考證真須著作才
別著畫圖車幾兩
東都少尹載書來

荒寒杞菊咲齋厨山海中間物產殊
不獨秋原饒雉兔
八梢魚賽四鯤鱸

西風獵獵捲雙旌別路秋光雨正晴
前隊朱衣非俗物

為君聊壯出關行

題紫滄醉吟圖小照三首

落花風裏髻交垂
山谷前身定牧之
綺語多生留一句
醉圍紅袖寫烏絲

朝

賜黃封夕奏詩
玉堂人物數同時
如何袖染天香後
偏愛科頭曳履姿

醉裏清吟眼界花
樂天猶作少年誇
誇證因亭上新翻
偈

枯木寒灰別一家

古詩

花開昨夜雨花謝今朝風造化故無私循環一氣中舉
舉少年子彈指成衰翁翁衰從少得乃復憂兒童

題翁樹服別茶圖小照三首

小團龍鳳碾初勻面首膏油苦鬪新修貢亭荒官焙少
輸他一片火前春

湯老懸知客亦佳清風兩腋是仙才花瓷不少纖纖捧

辛苦磚爐自煮來

君顏白皙我華顛猶記騎驢並入燕
重向茶邊論臭味
出山泉愧在山泉

盧六以庶常自藩邸入直

武英每乘小車以詩索和

輾轉勞薪五稔餘八駟雖乏勝騎驢
伐輪自信餐非素
代步何妨進稍徐旁挂鷓夷應貯酒
中安狨坐好攤書
多君博物張寬比定有人占第七車

送宋蘭暉庶常養親歸商邱兼呈漫堂先生四

絕句

歸途幾見著先鞭祖道回頭僅隔年

去秋送太宰
公子告旋里

贏得

旁觀增太息此行真箇是神仙

長假緣知為老親隨身匹馬兩車輪較量白傅香山社
膝下今多奉杖人

出專方岳入蓬瀛小宋文章又擅名獨脫朝衫歸養志
宦情付與二難兄

薄雪初消柳未絲
行期預遣報西陂
羨渠到日逢元日
歲酒先拈第一卮

得東亭弟滇南書知補授太和令作詩志喜

送爾衝炎出國門
弟于五月杪出都
半年迢遞憶征軒
星埃路

脫千重險冰雪書來一笑溫
官舍向來多北戶
王程從

此少南轅家聲定有蠻人識
身是前朝小諫孫
明嘉靖朝先高

祖在諫垣疏參分宜相杖謫定邊尉

從廟市買梅花水
仙二盆口占二絕

取意原從冰雪間
水邊林下總怡顏
黃花過後無聊賴
又破先生一拘慳

根株高下手親栽
嫩莖多憑火力催
好與冷宮添暖熱
一房紅日看花開

荅硤川程子和

有才如此我應求
慙愧篇章屢見投
愛說項斯長在口
自逢東野欲低頭
苦心豈少知音識
佳句殊難率筆酬
期子修途須努力
莫憑嗤點逐時流

除夕前四日宮怨堂寓齋消寒雅集次東坡荅
段屯田韻

平生區中緣足迹天下半自隨
廢乘秣坐致籠禽歎去
日行已多後期把難玩
職雖典文墨官肯羨黃散
冷澹
作詩人謹誦剡酒伴
瑟瑟街鼓夕喔喔隣雞
旦葡萄點
羹湯鮮腴釘枰案狂吟詞
跌宕衆舞影零亂憑誰扶
雅
輪於我奉沃盥營身有底急
見事何妨緩壯懷付消沈
老學資講貫賈生躅細故
韓子就新懦欲回天地爐
重

扇陰陽炭貧因思拔宅愛有歌適館幾時解嚴寒此會
得餘暖甘從百罰醉聊博一笑粲

次潤木除夕感懷韻四首

窮年趨走不辭頻休澣聊除半日塵

武英節假後復入直內廷今日午間

始回寓七秩將開吾向老半生習懶爾無倫屋如參解東

西佳樹接斜街上下鄰笑把屠蘇甘最後白頭何事肯
先人

病鶴摧頽戀赤墀尚憑瘦骨強知時早梅破臘心相許

殘菊迎春事亦奇

瓶中菊花自十月杪至今尚未萎亦一奇也

賓戲客朝從

啾啾人趨我步儘遲遲
枯枰三百多平路莫關新翻巧

手碁

疎疎微霰墜無聲
隨分招呼得合并
陋室然薪為蠟炬
荒廚煖酒用茶鐺
語便應對宜鄉友
夢失悲歡長道情
錯料官中有生計
依然共爾舉家清

風流幾輩記遊燕
往事依稀劍契船
細數流年殊瞥爾

每逢遠計一悽然

半年來吾鄉陳少司寇汪少司農
孖坨朱先生陳太守六謀皆物故

龍

蛇屢厄天何意
蛩駟相依老倍憐
正自欲歸猶未
妄
思駐景作巢仙

敬業堂詩集卷三十七